



TOSHKENT DAVLAT YURIDIK UNIVERSITETI REKTORINING B U Y R U G ' I

29.01.2025

87-tm-son

Talabaga hayfsan e'lon qilish to'g'risida

Bugungi kunda universitetda yuksak talablar va zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan, universitetning sirtqi ta'lim shakli bo'yicha ayrim talabalari tomonidan o'quv intizomi, Odob-axloq kodeksi va ichki tartib-qoidalarini buzish holatlari aniqlandi.

Xususan, 4-kurs A potok 1-guruh talabasi Fayzullayev Sanjar Abduqaxxor o'g'li, 4-kurs B potok 2-guruh talabasi Husanov Shahzod O'rinboy o'g'li va 4-kurs V potok 2-guruh talabasi Mardanov Axmadjon Abduraxim o'g'lilari belgilangan talablarga zid ravishda universitet hududida tamaki mahsulotlarini iste'mol qilganligi aniqlandi va holat yuzasidan tushuntirish xati olinganda o'z tasdig'ini topdi. Bundan tashqari, 4-kurs B potok 2-guruh talabasi Raximov Umidjon Kamoliddin o'g'li ogohlantirishlarga qaramasdan bir necha marotaba universitetda o'rnatilgan kiyinish va soch-soqol qoidalariga rioya etmay kelayotganligi aniqlandi va holat yuzasidan tushuntirish xati olinganda o'z tasdig'ini topdi. Shuningdek, 2-kurs rus A potok 1-guruh talabalari Sharofov Avzalbek Murod o'g'li va Muxtorjonov Javohirbek Muzaffarjon o'g'li Jinoyat huquqi fanidan o'tkazilgan yakuniy nazorat imtihoni vaqtida akademik halollik qoidalarini buzganligi aniqlandi va holat yuzasidan tushuntirish xati olinganda o'z tasdig'ini topdi.

Yuqoridagilarga ko'ra:

Fayzullayev Sanjar Abduqaxxor o'g'li, Husanov Shahzod O'rinboy o'g'li va Mardanov Axmadjon Abduraxim o'g'lilari Toshkent davlat yuridik universiteti Odob-axloq kodeksi 17-moddasining to'rtinchi (giyohvand moddalar, psixotrop, sintetik vositalar va ularning analoglari, alkogol va tamaki mahsulotlari, vayp, chilim, elektron sigaretlar va sarxush qiluvchi boshqa vosita hamda moddalarni iste'mol qilish va tarqatish) va o'ninchi (Universitet binolari va

hovlisida, shuningdek, Universitet binolariga tutashgan hududda spirtli ichimliklar ichish va tamaki yoxud boshqa turdagi mahsulotlarni chekish hamda mast holda bo‘lish) xatboshilarida;

Raximov Umidjon Kamoliddin o‘g‘li Toshkent davlat yuridik universiteti Odob-axloq kodeksi 12-moddasining beshinchi (Universitet xodimi, talabasi va doktoranti bo‘lgan erkaklar oq, havorang, ochiq rang ko‘ylakda, klassik uslubdagi shim, odmi kostyum va mos rangdagi poyabzalda kelishlari shart), oltinchi (Xodimlar, talabalar va doktorantlarning tashqi qiyofasi va kiyimlari ozoda, pokiza hamda sochi tartibga solingan, soqoli olingan bo‘lishi, ular sochlari noodatiy bir necha ranglarga bo‘yalmagan va kiyinish talablariga rioya qilgan holda kelishi lozim) va 24-moddasining uchinchi (Talaba ta‘lim-tarbiya jarayonida tegishli dekanat mas‘ul xodimlarining bergan qonuniy topshiriq va ko‘rsatmalarini bajarishi shart) xatboshilarida;

Sharofov Avzalbek Murod o‘g‘li va Muxtorjonov Javohirbek Muzaffarjon o‘g‘li Toshkent davlat yuridik universiteti Odob-axloq kodeksi 8-moddasi (Xodim, talaba va doktorantlar o‘z xizmat va o‘qish faoliyatlarini amalga oshirishda adolatli, halol va xolis bo‘lishlari hamda Universitetga, unga tegishli bo‘lgan saytlar va ijtimoiy tarmoqlarga murojaat qilgan barcha yuridik va jismoniy shaxslarga nisbatan ushbu prinsip talablari asosida munosabatda bo‘lishlari shart) va 27-moddasining to‘rtinchi (yozma ishlarni himoya qilish va reyting nazoratiga doir tartib-qoidani bajarish vaqtida chetdan yordam olmaslik, o‘zgalarga yordam ko‘rsatmaslikka) xatboshilarida belgilangan qoidalarni buzgan.

Yuqoridagilarni inobatga olgan holda Oliy ta‘lim to‘g‘risidagi nizom (ro‘yxat raqami 1222, 2003 yil 22 fevral), universitet rektorining 2023-yil 31-maydagi 81-um-son buyrug‘i bilan tasdiqlangan yangi tahrirdagi Toshkent davlat yuridik universitetining Ichki tartib qoidalari va Odob-axloq kodeksi tegishli moddalarini buzganligi hamda Magistratura va sirtqi ta‘lim fakulteti dekanining taqdimnomasiga muvofiq,

BUYURAMAN:

1. Quyidagilar:

Muxtorjonov Javohirbek Muzaffarjon o‘g‘li – sirtqi ta‘lim shakli 2-kurs rus A potok 1-guruh (ta‘lim tili – rus);

Sharofov Avzalbek Murod o‘g‘li – sirtqi ta‘lim shakli 2-kurs rus A potok 1-guruh (ta‘lim tili – rus);

Fayzullayev Sanjar Abduqaxxor o‘g‘li – sirtqi ta‘lim shakli 4-kurs A potok 1-guruh (ta‘lim tili – o‘zbek);

Husanov Shahzod O‘rinboy o‘g‘li – sirtqi ta‘lim shakli 4-kurs B potok 2-guruh (ta‘lim tili – o‘zbek);

Raximov Umidjon Kamoliddin o‘g‘li – sirtqi ta‘lim shakli 4-kurs B potok 2

guruh (ta'lim tili – o'zbek);

Mardanov Axmadjon Abduraxim o'g'li – sirtqi ta'lim shakli 4-kurs V potok 2-guruh (ta'lim tili – o'zbek) talabalariga universitet Odob-axloq kodeksining tegishli normalarini buzganligi uchun hayfsan e'lon qilinsin.

2. Magistratura va sirtqi ta'lim fakulteti dekani A.Babadjanov:

ushbu buyruq bilan talabalarni tanishtirsin;

talabalarining shaxsiy hujjatlar yig'majildiga buyruq nusxasi tikilishini ta'minlasin.

3. Mazkur buyruq ijrosining nazoratini o'z zimmamda qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Dekan (Fan nomzodi yoki falsafa doktori (Ph.D) ilmiy darajasiga yoki xorijiy davlatlarning unga tenglashtirilgan boshqa ilmiy darajalariga yoki dotsent ilmiy unvoniga ega bo'lgan)

A.BABADJANOV

**Kelishildi:**

Yoshlar masalalari va ma'naviy-ma'rifiy ishlar bo'yicha birinchi prorektor

A.XASHIMHONOV



Direktor

SH.PO'LOTOV



Boshqarma boshlig'i

S.BOZAROV



Katta yuriskonsult

A.TURSUNOV

